

**Tusagassiutitigut nalunaarut:**

## **Nunatta kitaata imartaani raajarniarneq MSC-tut akuerisaaqqippoq**

5. februaari 2024 - Nuuk

**Nunatta kitaata imartaani raajarniarneq Marine Stewardship Council (MSC)-imit akuerisaaqqissimalerpoq, tamatumalu tunniusimalluni nungusaataangitsumik periuseqarluni aalisarnermik ingerlatsineq immamilu pinngortitap ataqatigiinneranik attassiinnarluni periuseqarneq uppersarsarpaa. Tamanna peqatigiiffimmit Sustainable Fisheries Greenlandimit (SFG), MSC-mut tunngatillugu raajarniarnermik ingerlataqartunut sinniisuusumit, ilisimatitsissutigineqarpoq.**

MSC-tut akuersissut nunani tamalaani atorneqartoq nunatta kitaata imartaani raajarniarnermut pingaaruteqarpoq. Avatangiisinik piujuaannartitsineranut piunasaqaatit qaffasinnerpaat naapertornissannut kiisalu raajarniarnermi akuersissuteqaqqilernissamut piunasaqaatit periutsillu sukannersut eqquutsinniarlugit ataavartumik suliniuteqarneq akuerisaaqqinnermik kinguneqarpoq.

*- SFG-mi MSC-tut akuerisaaqqinnerput tulluusimaarutigeqaarput, tamatumalu pisuussutit immameersut kinguaassatsinnut ingerlateqqikkumallugit pigiinnarnissaannik pisussaaffeqarnerput ersersippaa, Lisbeth Due Schoenemann-Paul, SFG-mi siulittaasoq, oqarpoq.*

MSC-tut akuersissut atuisut tunngavissaqarluarlutik toqqaanissaannut nungusaataangitsumillu aalisarnermik pimoorussilluni tapersersuineranut sakkussaavoq.

Akuersissut taanna aammattaaq atuisut suliffeqarfiillu amerlanerusut aalisakkanik qalerualinnillu nungusaataangitsumik pisanik piunasaqaraluttuinnartillugit nunatta kitaata imartaani raajarniarnerup niuerfinni nunani tamalaaniittuni inissisimanerata attatiinnarnissaanut iluaqutaavoq.

Paasissutissat:

Nunatta kitaata imartaani raajarniarneq 1930-ikkuni aallartikkami 1950-ikkuni ingerlallualerpoq. Suliffeqarfiit nunatsinniittut maanna kilisaatit nunarsuarmi nutaaliaanerpaat atortuginnerpaallu ilaanniittut pigivaat, aalisarnermiillu isertitat inuiaqatigiinnut pingaaruteqarput. Nunatsinniit avammut tunineqartartut nalingisa affaata missaanniittut Kalaallit Nunaanni Naatsorsueqqissaartarfiup kisitsisaatai naapertorlugit raajarniarnermeersuupput.

Marine Stewardship Council (MSC) kattuffiuvoq pisortanit aningaasalersugaangitsoq nunanilu tamalaani suliaqarfiusoq. MSC-p akuersissutaa nungusaataangitsumik aalisarnermut akisussaassuseqarlunilu atuineranut ilisarnaatitut nunani tamalaani ilisimaneqarluarpoq.

2013-imi akuerisaaqqaarnermiit maanna pingajussaani akuerisaaqqittoqarpoq.

Paasissutissat sukumiinerusut piunagukkit uunga saaffiginnigit:

[SFG@SFG.gl](mailto:SFG@SFG.gl)